



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De editione scripturarum, & earum taxis.

urn:nbn:de:hbz:466:1-11399

Materialia Decretorum, Constitutiones,
& libri ad id pertinentes.

Concilia varia.

Ordinationes variæ datæ Clero.

Tabellæ ad disciplinam Cleri pertinen-
tes.

Quæ pertinent ad librum ritualem, vel
ad cœremonialem Missæ.

Tabellæ Punctatorii, & alia huiusmodi.

Generales ordinationes ad populum
pertinentes, quales sunt.

Institutiones, ordinationes.

Regulæ Corporis Christi.

Charitatis.

Sanctæ Annæ.

Item aliæ societates laicorum vniuer-
sales.

Priuilegia illis concessa.

Banna etiam Gubernatoris, & magistra-
tum laicorum, ad mores aliquo modo
pertinentia.

Alia verò sunt distinctè seruanda, Com-
munia quidem, sed non ad reformatio-
nem spectantia; vt edicta Ecclesiastica
vel laicalia, de abundantia bladorum, de
aquis deducendis, de peste cauenda, &c.
Sic alia scrinia pro recondendis aliis
variis scripturis communibus.

De editione scripturarum, & earum
taxis.

Cancellarius animaduertat, ut in sin-
gulis expeditionibus alicui traden-
dis sic procedatur, vt coniungantur quæ
oportet, pro ratione illius expeditionis
vel consequendæ, vel in vsum adhiben-
dæ: exempli causa, ne tradat literas pro-
uisionis beneficii Curati ante emissam
ab illo professionem fidei, & iuramen-
tum debitum, ex præscripto literarum
Apostolicarum, & Concilij Tridentini,
& Prouincialium: sic de professione fi-
dei seruetur in traditione facultatis con-
cionandi, vel profitendi, aut quouis mo-
do docendi: sic concionatoribus, & con-
fessariis regularibus tradat instructio-
nes nostras de ratione seruanda in mu-
nere illo præstando; tum sigillatim in
loco illo pro ratione suæ indigentia, vt
Archiepiscopus iusserit: sic de aliis.
Notetq; cui traditæ instructiones sunt.
Si quando autem ob inopiam indigen-
tiam ve loci, ac necessitatem illius inco-

larum, admittatur aliquis ad concionas
habendas, aut confessiones audiendas,
aut curam animarum gerendam; alio-
quin non ferendus ob imperitiam, alia-
ve ob causam: tunc ne expediat literas
patentes, vnde alibi censetur ad ea mu-
nera probatus; sed det literas Archiepi-
scopales clausas ad Vicarium foraneum,
aut Visitatorem præfectum ve illius re-
gionis, aut ad Parochum, quibus liceat
illos eo solùm certo loco, certoque tem-
poris breui spatio præscripto, pro ra-
tione necessitatis loci in illis muneribus
versari; neque tamen approbatio-
nem ostentare, vt examinis iudicij alio
tempore in nostra vel alia Diocesi hoc
comprobationis testimonio effugiat, vt
aliquando contingit.

Habeat librum Diarium; in quo descri-
bentur dietim scripta omnia quæ con-
tulerit dari extra Archiuum: cum au-
tem restituatur Cancellario, statim par-
tita vnaquæque scripturarum restitu-
tarum deletur.

Cancellarii notarii tam ciuiliū quàm
criminalium causarum, acta, instrumen-
ta, processusve originales Cancellarij re-
cepti, atque fabricati, per se aut alios, ex
quauis causa, etiam videndi tantum, nun-
quam exhibeant nisi ad eorum ban-
cum, vel in loco Archiuum, & Cancellaria;
idque sine aliqua mercede faciant:
alio verò transferre, etiam per nuncios
quantumuis sibi fidos nō audeant, etiam
si partium consensus adesset: qui secus
fecerit, arbitrio Archiepiscopi grauius
puniatur, & parti etiam læsæ pro suo in-
teresse satisfaciatur.

Caueant Cancellarius, & Notarii sub-
stituti criminales, nē alicui tradant co-
piam alicuius processus, sententiæ, de-
positionum testium, seu alterius scriptu-
ræ, sine licentia Vicarij Criminalis aut
Generalis sibi in scriptis danda; sub pœ-
na priuationis officij, ac aliis arbitrio
Reuerendissimi Archiepiscopi impo-
nendis.

Si quādo ab Archiepiscopo, Vicario Ge-
nerali, Præfecto vel Visitatore, vel à Fi-
scali, vel alio eiusmodi Ministro signi-
ficandum erit, vt nihil transeat in ali-
qua materia, seu expeditione; Cancel-
lario curæ sit, tum cauere, tum significa-
re

re & Vicariis & Notariis substitutis, & aliis vt opus erit.

Notarius substitutus, pecunias quas occasione processus, & totius causæ, cuius ipse actuarius est, receperit, in dies in processum referat, ac in fine illius, totum id quod receperit, scribat.

Si Vicarius causæ, gratis expediri in toto vel in parte mandauerit, gratis expediantur; idque totum eius conscientia ac arbitrio relinquatur.

Ne Notarii, seu alii quibus in Archiuo inueniendi scripturas, etiam antiquas, onus iniunctum erit; aliquid mercedis seu muneris titulo, etiam à sponte dantibus accipiant.

Si tamen aliquando ob scripturarum antiquarum qualitatem, seu alia quavis de causa, aliquid solui pro labore, iustitia & rationi consonum erit; id tantum quod Vicarius Generalis iudicauerit, persoluantur.

Ne rursus, etiam ad formam horum decretorum eorum quisquam accipiat aliquid; sed omnes pecuniæ quacunque de causa debite pro expeditionibus leuioribus; vtputa comparitionum, relaxorum, & huiusmodi modici momenti, habeat quisque Notarius capsulam immobiliter annexam banco suo, in quam reponat taxam præfinitam, illamque in dies in libello, quem omnes substituti habeant, referre teneatur, habita mentione causæ in omnibus partibus, & singulis diebus pecunias prædictas, vna cum partitarum libello consignet Depositario, qui in capsula reponat.

Ex quibus soluantur illa merces, quam pro ratione laboris & scripture, eisdem ex præscripto in altera tabella cõficienda iussu nostro, de distributionibus inter Cancellarium & singulos eius substitutos Notarios & scriptores, & alia Cancellariæ onera partienda, aut certum stipendium in earum locum vel supplementum per nos decernendum, quousque experimento facto per aliquod tempus, firmiter statuatur per nos, tabella earum partitionum.

Pro grauioribus vero rebus, scilicet, quibus manum apponit ipse Cancellarius, ac editionibus processuum sententiæ & huiusmodi, in ijs remittat partem ad capsam depositariæ Generalis Cancellariæ; cuius curæ erit exigere totam constitutam taxam, seu portionem illam, quæ tunc ad bonum computum soluetur in ipsa capsula depositariæ generalis, ac in libro magistro rationum iudicis referendam; vltra quod de ea portione soluta in margine ac sine processus mentio facta sit.

Cuius capsulæ clauis sint tres; & ita partita, vt altera sit penes præfectum executionis reformationum tribunalis; altera penes Cancellarium; altera vero penes Notarium illum substitutum, qui taxarum solutionibus Præfectus sit.

In fine vero mensis capsula illa generalis depositarii aperiatur, his vocatis ac presentibus, qui ipsorum clauis retinent; & pecuniis numeratis, computisque factis omnium rationum ac partitarum, quæ in cuiuslibet substitutorum libello ac depositarii descriptæ reperiuntur, pecuniæ sic conseruatae (deductis prius alijs impensis Cancellariæ nomine faciendis) inter Cancellarium, substitutos Notarios, & scriptores ad rationem constitutorum illis singulis emolumentorum diuidantur: & quidquid deesse contigerit ad integram solutionem dictorum emolumentorum prædictis ministris, & alijs impensis, totum suppleat mensa Archiepiscopalis.

Taxæ fori Archiepiscopalis, omnes editioni dentur, ac deinceps in loco Cancellariæ publico, in quo ab omnibus videri & legi possint, continuè appendæ retineantur.

Quæcunque expeditiones, aliæ taxatae sunt, nihilominus quando cunque Archiepiscopus ex causa sibi bene visa iusserit gratis expediri, gratis dentur ad eius præscriptum.

FINIS INSTRVCTIO.
Cancellaria.